

U G O V O R
o nabavci i isporuci - motokultivatora i motornih pila

Zaključen dana 25.05.2016. godine u Sarajevu između:

1. **KANTONALNA UPRAVA CIVILNE ZAŠTITE KANTONA SARAJEVO**, ulica Hamida Dizdara br. 1., 71 000 Sarajevo, koju zastupa direktor mr. Mustafa Kovač (u daljem tekstu: Kupac), s jedne strane,

i

2. **ITC ZENICA, društvo za trgovinu, proizvodnju, finansijsko ekonomski inženjering i zastupstvo**, Zmaja od Bosne bb, Zenica kojeg zastupa direktor Suvad Isaković (u daljem tekstu: Prodavac), s druge strane.

Član 1.

Ovim Ugovorom, Prodavac se obavezuje, da će za potrebe Kupca obezbijediti isporuku motokultivatora i motornih pila, prema specifikaciji i tehničkim karakteristikama datim u Ponudi broj: 1100-1110-43 od 28.04.2016. godine.

Ugovor se zaključuje na osnovu Odluke o izboru najpovoljnijeg ponuđača broj: 22-44-452-7 /16 od 11.05.2016. godine i ponude Prodavca broj:1100-1110-43 od 28.04.2016. godine, izabrane od strane Kupca putem Konkurentskog zahtjeva za dostavu ponuda.

Član 2.

Prodavac se obavezuje, da će isporuku robe iz člana 1. ovog Ugovora izvršiti kvalitetno i pravovremeno u roku od 30 dana od dana potpisivanja Ugovora, a u skladu sa obrascem i specifikacijom za cijenu ponude.

Član 3.

Ukupno ugovorena cijena roba iz člana 1. ovog Ugovora iznosi **31.860,31 KM** (slovima: tridesetjednihiljadaosamstotinašezdeset i 31/100 KM).

U ukupno ugovorenu cijenu iz prethodnog stava ovog člana, uračunati su troškovi PDV-a.

Član 4.

Plaćanje ukupno ugovorene cijene iz člana 3. ovog Ugovora, Kupac će izvršiti Prodavcu u roku od 15 dana, uplatom na žiro-račun broj: 1610550000630047, otvoren kod Raiffeisen Bank d.d. a na osnovu dokumentacije o isporučenoj robi i ispostavljenoj fakturi ovjerenoj od strane Kupca.

Član 5.

Prodavac se obavezuje da će isporučena roba iz člana 1. ovog Ugovora, biti traženog kvaliteta i karakteristika, koje je dao u svojoj Ponudi broj: 1100-1110-43 od 28.04.2016. godine, a koju je Kupac odabrao kao najpovoljniju.

Član 6.

U slučaju da se prilikom primopredaje robe konstatuju nedostaci i odstupanja od tehničkih karakteristika datih u Ponudi broj: 1100-1110-43 od 28.04.2016. godine, isti će se konstatovati Zapisnikom o primopredaji.

Prodavac se obavezuje da će primjedbe konstatovane Zapisnikom o primopredaji otkloniti o svom trošku, a najkasnije u roku od 15 dana od dana potpisivanja navedenog Zapisnika.

Kupac se obavezuje da će isplatu izvršiti odmah, a najkasnije u roku 15 dana, nakon što Prodavac otkloni nedostatke konstatovane u zapisniku o primopredaji robe.

Ako u navedenom roku Prodavac ne otkloni nedostatke i odstupanja konstatovane Zapisnikom o primopredaji, Kupac zadržava pravo da raskine ugovor.

Član 7.

Eventualno nastali spor po ovom Ugovoru, ugovorne strane rješavaju sporazumno, a u suprotnom nadležan je Općinski sud u Sarajevu.

Član 8.

Na odredbe ovog Ugovora, kao i za sve što nije regulisano ovim Ugovorom, primjenjuju se odredbe Zakona o obligacionim odnosima.

Član 9.

Ovaj Ugovor sačinjen je u 4 (četiri) istovjetna primjeraka, od kojih 2 (dva) primjerka zadržava Kupac, a 2 (dva) primjerka zadržava Prodavac.

PRODAVAC

Direktor

Suvad Isaković



Broj: 5823-16/p

U Sarajevu, 30.5. 2016. god.

KUPAC

Direktor

mr. Mustafa Kovac



Broj: 22-44-452-9/16

U Sarajevu 25.05.2016. god.